

浙江文叢

洪昇集

〔下冊〕

浙江出版聯合集團
浙江古籍出版社

浙江文叢

洪昇集

〔下冊〕

〔清〕洪昇著 劉輝箋校

浙江出版聯合集團
浙江古籍出版社

圖書在版編目(CIP)數據

洪昇集 / (清) 洪昇著; 劉輝箋校. —杭州: 浙江古籍出版社, 2012. 8
(浙江文叢)
ISBN 978-7-80715-931-5

I. ①洪… II. ①洪… ②劉… III. ①詩詞—作品集—中國—清代②古代戲曲—劇本—作品集—中國—清代
IV. ①I214. 92

中國版本圖書館 CIP 數據核字(2012)第 207937 號

洪昇集

(全二冊)

(清) 洪昇 著 劉輝 箋校

出版發行 浙江古籍出版社
(杭州市體育場路 347 號 郵編: 310006)
網 址 www.zjguji.com
責任編輯 陳小林
封面設計 劉 欣
責任校對 胡亦瀟
照 排 浙江時代出版服務有限公司
印 刷 浙江新華數碼印務有限公司
開 本 710mm×1000mm 1/16
印 張 48
字 數 492 千
版 次 2012 年 9 月第 1 版
印 次 2012 年 9 月第 1 次印刷
書 號 ISBN 978-7-80715-931-5
定 價 240.00 圓(精裝)

如發現印裝質量問題, 影響閱讀, 請與市場營銷部聯繫調換。

ISBN 978-7-80715-931-5



9 787807 159315 >

卷三 稗畦續集

五言律詩

孤山

見《嘯月樓集》。

寄張祖望先生

計籌最高頂，幽客臥烟霞。白鶴發清唳，青松開晚花。讀《易》洞雲冷，吟詩山月斜。誰知仙觀夜，不爲守丹砂。

早春齋居示門人沈用濟伊洄王錫朱虞夏毛宗亶蔡守愚汪燦吳作梅
鄭錢江錢景王起東兒子之震

清曉閉虛館，不知夜雪繁。遠聽古梅上，數聲寒雀喧。園草春意動，簾風日影翻。相對二

三子，泊然無一言。

【箋】

〔沈用濟〕原名瑛，字方舟，一名宏濟，錢塘人。監生。父漢嘉、母柴靜儀，妻朱柔則，弟沂皆能詩。毛先舒嘆爲『後生領袖』。長出遊，至楚、閩、兩廣間，與梁佩蘭、屈紹隆爲友。居京師，安和親王蘊端極重之。貧老無子，依張廷枚參議以終。著有《荊花集》、《方舟集》、《春江詩鈔》。見《國朝杭郡詩輯》卷十、《詞輯》卷五。

〔伊洄〕『伊』係『溯』之誤。沈洄洄，一名淩，字沂，沈用濟弟。工詩，嘗與兄合刻《荊花集》。毛稚黃、陸拒石極稱賞之。見《杭郡詞輯》卷五。

〔王錫〕字百朋，仁和諸生。生平寡交遊，毛奇齡甚爲賞識，朱竹垞稱其集句詩爲天造地設，自然渾成。著有《嘯竹堂集》。洪昇爲之作評。集內多有贈昉思之作，今存。

〔朱虞夏〕字成文，爲《稗畦集》作校。

〔毛宗亶〕字山頌，號南屏，錢塘監生。著有《凝霜閣詩》。爲人豪邁不羈。弟宗旦、宗文俱擅詩。見《國朝杭郡詩輯》卷十。

〔汪燿〕字次顏，錢塘人。著有《倚樓集》、《病已集》。《樊榭山房文集》卷三《汪次顏遺詩序》云：『少遊稗畦洪先生之門。先生故以詞曲擅名，次顏好爲移宮刻羽之學，不爽分判。』曾爲《長生殿》作序，《稗畦續集》亦爲之序。

〔吳作梅〕生平無考，《長生殿》有其《跋》。或謂作梅即吳梅字鶴鄰者，恐非。

〔鄭錢江〕鄭江，字璣尺，號筠谷，錢塘人。康熙戊戌進士，榜姓錢。官翰林院侍讀。著有《筠谷鈔》，見《國朝杭郡詩輯》卷九。

〔錢景〕字景舒，號錦山，錢塘人。康熙乙酉舉人。見《國朝杭郡詩輯》卷九。

〔王起東〕字震舒，遂安人。工詩古文辭。毛際可、方渭仁深器重之。著有《得鄰草堂文集》。見《嚴州府志》卷十九。

〔之震〕洪之震，字洊修，洪昇長子。《嘯竹堂詩集》有《賀洪洊修新婚》詩。

【編年】

約作於康熙三十三年甲戌（一六九四），錢塘。諸門人受業，應在昉思返杭定居後。李孚青《野香亭集·甲戌稿·懷洪昉思》詩：『夫子竟辭榮，西湖卜築成。』知是年稗畦草堂建成，定居錢塘。

蘇小墓

見《嘯月樓集》。

冬日遊靈鷲山

見《嘯月樓集》。

夏日答沈去矜先生見訊臥疾

清羸時抱疾，詎敢擬文園。伏枕淹三月，緘書報一言。蟬吟風柳動，鳥下露荷翻。稍待能行樂，先過谷口村。

【編年】

作於康熙八年己酉（一六六九），錢塘。沈謙是年買舟入城探視毛先舒，歸臨平，即臥疾。見毛先舒《沈去矜先生墓志銘》。

東園

故苑景全非，閑遊趣不稀。鳩貪桑實醉，鼠戀豆根肥。日落鄰機急，風回梵磬微。潮鳴留古寺，輦路草霏霏。

採蓮曲

見《嘯月樓集》。

茅舍

茅舍栖遲久，春來氣漸溫。
疎花開凍蕊，暗水長新痕。
野鳥競辭谷，山雲閑入門。
二三樵牧外，誰復到荒村？

盱眙道中

澤國凋殘後，蕭蕭一馬行。
盱眙山作縣，淮泗水連城。
旅泊思常尉，商歌弔寧生。
都梁香泯滅，誰憶舊宮名？

北歸舟中作

渤海輕帆駛，吳橋落照斜。
長空雲覆水，平野月連沙。
客久翻無夢，舟居已似家。
忽聞孤雁唳，始覺在天涯。

與句元上人別

溪南尋我到，溪北送君歸。
流水向何處，閑鷗相逐飛。
扁舟移竹瀨，落日倚荆扉。
却望前村暝，鐘聲在翠微。

【箋】

〔句元上人〕濟日，字句元，見前箋。

【編年】

作於康熙十七年戊午（一六七八），武康。

蕪湖送錢石臣之燕兼示舍弟昌

見《嘯月樓集》。

田家

繞道逢溪斷，行人問渡難。田家隔林薄，村犬吠衣冠。新果垂羊棗，幽花綻馬蘭。破顏一笑樂，失路此盤桓。

宿州道中懷吳璫符

一人符離道，平疇見綠禾。塵沙人面少，風雨馬頭多。疊嶂環靈壁，長淮走汴河。故人蓮幕客，懷古興如何。

【箋】

〔宿州〕今安徽省宿縣。

〔符離〕宿縣符離集鎮。

〔靈璧〕今安徽省靈璧縣。

【編年】

作於康熙十七年戊午（一六七八），赴京途中。詩有『故人蓮幕客』，知舒鼐在奉天爲姜定庵幕客時。考舒鼐康熙十六年至十九年在奉天，見《桂山堂文選》卷二《送吳舒鼐之奉天序》。而是年昉思自武康之京，道經宿州時作。

答門人沈用濟見寄

知音吾豈敢，問字爾頻過。一别大江上，相思秋水多。吳雲傳短札，燕市托長歌。嫋嫋西風起，芙蓉奈遠何。

淮陰釣臺

此臺雖迴絕，不及子陵灘。嘆息英雄事，曾經把釣竿。平沙兩岸坼，明月一河寒。西望秦關道，荒涼拜登壇。

【箋】

〔淮陰〕今江蘇省淮陰市。

舟月平河橋下作

離家看月色，三十二回明。今夜歸舟望，遙天分外清。風高鴻不度，霜冷鵲多驚。料得鄉書到，刀鐙計遠程。

觀 獵

春草綠菲菲，春晴曉合圍。角吹殘月墮，旗捲落花飛。鷹犬夸能事，菟苗壯武威。可知射生手，小小自輕肥。

毛玉斯邀飲

燕市一尊酒，園林七月時。秋風初墜葉，客鬢兩成絲。玉斝揮無算，銀笙度更遲。旂亭如畫壁，知唱阿誰詩？

聞王阮亭先生遊西山詩以訊之

西峰最幽絕，雨後白雲閑。流水鳥聲外，夕陽松影間。高吟臥佛寺，獨上盧師山。莫以溫

經故，不攜同往還。

【箋】

〔西山〕在北京西郊。

【編年】

作於康熙十七年戊午（一六七八），北京。王阮亭遊西山詩，作於是年。

春日幽居

獨樹樓遙對，疎籬水暗通。曉嵐高枕上，春色閉門中。徑草從生綠，園花任放紅。寂寥人事久，無意更書空。

寄毛會侯先生寓蘆溝

薊北秋雲起，朝朝鬱未開。桑乾明月色，夜夜夢中來。君住張華宅，余留郭隗臺。相思隔一水，一望一徘徊。

【編年】

作於康熙十七年戊午（一六七八）秋，北京。是年秋，毛際可應鴻博徵詔來京，至蘆溝橋作《憩蘆溝橋寄洪昉思》詩。昉思以此作答。

述 感

却悔辭親日，飄飄逐路塵。江湖雙淚眼，天地一窮人。雲樹空愁遠，冰霜不見春。夢中家暫到，頭白話酸辛。

其 二

不爲離傷亂，飄蓬可奈何。馳驅千里外，跼蹐一身多。病馬思依櫪，征鴻苦避羅。三年空制淚，一瀉欲成河。

幽 居

頗得幽居樂，悠然達此生。溪魚忘水性，山鳥悅春聲。種竹乘新雨，看山趁曉晴。花光兼柳色，爭欲到檐楹。

其 二

雀噪爭深樹，鳩鳴占淺荷。齋鐘出林遠，社鼓隔村多。牧犢風前笛，漁舟月上歌。晚來聲歷亂，物外興如何？

寄蒲州吳天章

河中吳氏子，淡泊亦吾師。人帶烟霞氣，文兼冰雪姿。殘碑尋有道，荒冢拜希夷。懷古題新句，千秋結素知。

【箋】

〔蒲州〕今山西省永濟縣。

【編年】

作於康熙十九年庚申（一六八〇），北京。吳雯於康熙十八年歸隱，詩爲返里後所作。

盤山獨行至僧舍作

深巖策短筇，回曲幾重重。山骨全無土，濤聲總是松。細泉通斷笕，虛谷應疎鐘。靜會無生

理，殘陽徙半峰。

【編年】

作於康熙二十年辛酉（一六八一），遊盤山時。

早春汪爾達招同湖上看梅

幾日天晴暖，西湖盡放梅。疎香逐吹遠，清影入波回。車馬長堤聚，笙歌落日催。與君更
攜酒，孤嶼藉荒苔。

【箋】

〔孤嶼〕即西湖孤山。洪昇晚年曾在此築孤嶼草堂。

烟霞塢 劉穎士隱居處

何必住神仙，幽深即洞天。荒林藏斷壑，危日瀉奔泉。雪月梅千樹，烟霞屋數椽。風塵遊
倦客，轉覺隱君賢。

【箋】

〔烟霞塢〕在原武康縣（今屬浙江省德清縣）東十里雲岫山。

【編年】

作於康熙十七年戊午（一六七八），武康。

下渚湖

地裂防風國，天開下渚湖。三山浮水樹，百港^{〔一〕}劃菰蘆。埏埴居人業，漁樵隱士圖。烟波迷處所^{〔二〕}，一棹^{〔三〕}月明孤。

【校】

〔一〕『百港』，《武康縣志》作『千港』。

〔二〕『迷處所』，《武康縣志》作『橫小艇』。

〔三〕『一棹』，《武康縣志》作『一片』。

【箋】

〔下渚湖〕武康東南十七里有風渚湖，又名九里湖，其上曰上渚，下曰下渚。

【編年】

作於康熙十七年戊午（一六七八），武康。

舞陽侯祠^{〔一〕}

屠狗何妨老，從龍亦偶然。遭逢膺上爵，祠祭表荒阡^{〔二〕}。憶闖鴻門下，曾持鐵盾前^{〔三〕}。

立談傾斗酒，漢鼎定當年^{〔四〕}。

【校】

〔一〕『祠』，《武康縣志》作『廟』。

〔二〕此二句《武康縣志》作『斃肩能一割，卮酒即千年』。

〔三〕此二句《武康縣志》作『古柏遮庭際，湘溪亘廟前』。

〔四〕末二句《武康縣志》作『里人賽春社，村鼓正闐闐』。

【箋】

〔舞陽侯祠〕在武康南十三里上柏鎮。